

88
DEO OPTIMO MAX.

UNI ET TRINO,

VIRGINI DEI - PARÆ, ET S. LUCÆ

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die Jovis tertîa mensis
Februarii, anno Domini M. DCC. LII.

M. JOANNE-DAMIANO CHEVALIER,

Regis Consiliario Medico, Doctore Medico, Præsîde.

An per Suffitum felicior & tutior, quàm per inunctionem mercurialem, morbi
venerei curatio?

I.



UIS venereæ origo, antiquitas, propagatio, contagio, signa, symptomata notiora sunt, quàm ut hic de iis fusè differere operæ pretium sit. (a) Hic morbus, non unius loci indigena, circà annum 1494 ad Europam primùm appulsus est, antehàc Medicis ignotus. Non ergò à promiscuâ venere ortum habuit, nec habet etiannùm. Illud quoque testatur ea, quâ usus est Supremus Parisiensis Senatus cautela, ne pestis illa contagione serperet ad plures, (b) Neque infimùm est quod ex brutis, quæ nunquam lue venerèa laborant, deducitur argumentum. Quomodo quibusdam in locis factus fuerit endemius expectas ut dicam? Neminem latet, sanos etiam homines, vel ex nimîâ venere, vel ex impuro cum meretricibus congressu, sub cœlo quolibet aliquid plùs minùsve morbidi nonnunquam contraxisse, ut phlogoses, ulcera, phymosim, paraphymosim, &c. Hæc verò symptomata sub zonis calidioribus pejora & diuturniora in veram luem, quam veneream dicimus, facîle degenerasse vero proximum est. Hanc incolis primùm successivè, deindè advenis communicatam, ex iis ad exterarum nationes disseminatam fuisse cogita. Quanam sit virus venerei natura ex effectibus auguraberis (*). Optimam curandi methodum non ab antiquioribus Medicis accipies; hujus quidem alexipharmacum invenère, mercurium nempè, genuinam verò illud administrandi rationem docebunt Neoterici. Hi tamen inter se non consentiunt; pluribus placet inunctio mercurialis, quibusdam suffitus; nonnulli pleniorum hydrargyrosim, plures parciorem adhibent. Sunt qui salivæ fluxum uberiores, sunt qui parciorem postulant. Sunt qui ipsum reformidant, sunt qui variis artibus ipsum arcent, non æquè salutaribus. Quidam per intervalla tantùm ægros ungendos jubent; alii diebus ferè singulis, cum modicâ unguenti quantitate; alii cum majori, imminenterque oris fluxum per cathartica præcavent, sistuntque jam ortum. Quibusnam igitur album dabis calculum? Illatam à toxico venereo noxam perpende, quomodo deleatur, investiga.

(*) Non tamen exstimes (ut notat Author laudati operis) virus venereum pro novo humore seu liquido habendum esse intra corpus admisso, ceteris naturalibus humoribus superinducto, eoque insidente, ut vulgò credi videtur. Sed meram esse visiofam humorum naturalium qualitatem aut dyacrasiam, quâ degeneres à nativâ statu, in alienam naturam, id est, in naturam præternaturaliter falso-acidam degenerant, lib. II. cap. 2.

Hanc naturam primùm induisse ulcera in his locis, in quibus nunc est lue venerea, ex eo fas est conjicere quod ea sanguinis aut humorum corruptela ex venis in Europâ nunquam observata fuerit.

(a) Vide creditissimum Opus de morbis venereis. Autore clar. V. J. Astruc, Med. Paris.

(b) Vide Decretum Senatûs Parisiensis de disciplinâ, ergâ magnâ variolâ infectos, observandâ. Dat. die 6 Martis, anno 1676, de morbis venereis. lib. I. cap. 217.

DUPLEX vitii genus infestat corpus lue venereâ labefactatum. Corporis partes alterum deturpat, alterum functiones lædit. Vitia partium ad hæc duo ferè capita revocari possunt, tumores, ulcera: multiformes & variæ indolis tumores. Alii cuti, alii glandulis, alii ossibus insident. Tumores dicito pustulas per universam corporis peripheriam sparsas, exostoses, anchyloses, bubones, lienis & hepatis skirrhos. Ad ulcera referas scabiem, impetiginem, herpetem tabo vel ichore tenui fluentes. cariem ossa exedentem, Functiones animales, ut facultas loquendi, videndi, audiendi, &c. mali ferociâ vel depravantur, vel imminuuntur, vel abolentur. Vocis organorum læsionem sequitur raucitas, aphonia: ophthalmiâ pertinaci laborantes oculi lucem averfantur, nec valent sustinere; aures importuno tinnitu, aut immani dolore, aut utroque læscitæ sonum vel malè, vel alienum referunt, quandoque nullum. Oculorum triplex humor suo modo vitatur: vitreus glaucomatè, crystallinus suffusione deformes fiunt; aqueus in fibrarum speciem coactus multiplices pilorum villorumve species repræsentat.

Nec à labe immunes sunt functiones vitales. Syphiliticos torquet dyspnæa, asthma, tussis ferox tum sicca, tum humida: phthysi pulmones flaccescunt, arent, in pus abeunt. Ventriculus ad alimentorum solutionem minùs aptus languet *ἀνορέξια*, vel gravatur *σπασμὸς*, aut iners fit *ἀπένδια*. Succus malè elaborati diarrhæa foras eliminantur: Vel angustos vasorum lymphaticorum mæandros permeare inhabiles hydro-pem generant, aliaque morborum genera quæ ex ingurgitatione nascuntur. Hinc febris, vultûs livor, marasmus, virium prostratio. Hæc & cætera benè multa luis venereæ symptomata qui trutinatus fuerit, fluidorum spissitudini, præsertim lymphæ, rodentique ipsius indoli, omnia tribui posse minimè dubitabit. Quid enim tumores, & vicerum infarctus tam generare aptum est, quàm crassiores, tenaces, viscidæ liquidorum moleculæ? Undè ulcera, nisi à laceratis musculorum fibris? Undè dolores vagi, fixi, lancinantes, pungitivi, nisi à membranarum musculos involventibus nimium distentis & vellicatis? Undè ossium moles aucta? Undè anchyloses, seu tumor articularum, nisi à succis, quibus nutriebantur, solidescentibus? Undè ipsa ossium ulcera sive caries, nisi ab incuneatis in periosteo lymphæ crassioribus particulis, quæ continuò ad exitum, aut ad perreptandos hujus canaliculos impulsæ, ipsum dilacerant? Ossa nudata diù integra permaneant, fieri non potest. Porro tenuandis liquoribus, promptissimum habes auxilium, mercurium nempè.

I I I.

IN debellandis morbis experientiæ non utiquè minùs quàm ratiocinio fidendum. Morborum quos impura venus invexit alexipharmacum esse mercurium ratiocinatio primùm docuit, confirmavit constans & non fallax experientia. In mobilitate, pondere & divisibilitate partium efficaciam hydrargyri ponendam esse nemo non fatetur. Is potenter humores quoslibet subigit, sanguinis, lymphæque plures globulos in unum coactos penetrat, dividit, solvit, ad nativam molem reducit, ad motum habiliores reddit. Inconspicuis suis guttulis exilissimos capillarium cujuscunque generis vasculorum mæandros permeat, eorum infarctus referat. Quà verò arte feliciùs & tutiùs intrâ corpus admittatur inter omnes non convenit. Alii frictione per cutis poros impellendum putant, hanc methodum non improbamus. Verùm gravioribus & inveteratis morbis debellandis imparem plurium annorum experientiâ didicimus. Levioribus sufficit, si ritè administretur. In hæc, duplici modo peccatur: dum cietur *salivatio*, vel dum illa per inferiora deturbatur catharticis. Salivæ fluxum quem ad nostra tempora usque necessarium pronunciarunt Medici, inter remediî ponas infortunia. Fucum fecit illis opinio, malè sulta virus per salivationem eliminari: at salivæ spurcicies, & fetor oris ulceribus debentur. Non puriorem ex viro sano, quàm ex summè infecto elicies. Sine *salivatione* ambigis averruncari posse luem veneream? Audi hujus *salvationis* olim assertorem acerrimum. » Experientia, inquit, omni ratione major, Medicos jampridem docuit mercurium, etiam dum nullam salivatio-

„nem ciet; cateroquē tamen eisdem effectus in sanguine præstare ac si salivatio
 „legitima mota foret, modò debitā copiā ad sanguinem penetraverit, & proinde
 „attenuatis liquoribus, reſeratis vasis, reſtituto oſcillatorio partium motu, diſgrega-
 „tis obicibus, proſtigato ſeminio morboſo, luem veneream radicitus perinde extir-
 „pare, “ (a) jam verò quod huic Authori celeberrimo erat in votis penès eſt me-
 „dentem. Autoritati fidem denegas? rationem audi: mercurius aperientium medi-
 „camentorum more agit. Rideas meritò Medicum qui viſcerum inſarctus tollere ſata-
 „gens, per os revocaret eliminandum quod ex iſſis detraxerit. Adde quod ut ſcopum
 „attingat hydrargyrus, quò diutius per totum corpus erraverit, iteratis circuitibus, eò
 „efficaciùs & citius illud ſanitati reſtituet. Qui *ſalvationem* movent, vias aperiunt mer-
 „curio, ut quā datā portā ruat. Qui *ſalvationis* tædia, labores & pericula catharſi
 „ſatagunt præcavere, non magis feliciter cum ægris agunt: frangunt vires, mercurium
 „eliminant, quod dextrā ædificant, diruunt ſiniſtrā. Igitur qui inunctionibus morbum
 „tentant depellere, hydrargyroſi parciorē utantur. Drachmam unam cum ſemiſſe, duas
 „ad ſummum unguenti, quòd partem unam mercurii, duas adipis ſuſcipiat, diebus
 „ſingulis, (ſi fieri poteſt abſque *ſalvationis* periculo) adhibeant: frictiones ſaltem tri-
 „genta, ut plurimum quadragenta celebrandæ ſunt. Sic multò plus mercurii corporis
 „penetrabilia ſubiturum, quàm per unctiones ad ciendam ſuſtentandamque *ſalvationem*
 „facili computatione cognosces. (*) Neque ex illā copiā quidquam deciderit aut per os;
 „aut per alvum, ſed per ſolam perſpirationem, ſolutis obicibus qui naturali ſuccorum
 „circuitui obſiſtebant.

(a) Aſtruc,
lib. 2. cap.
VIII.

(*) Non raro poſt unicam unctionem ex uncia ſemis un-
 guenti, quod ex mercurio & aſurgæ patibus æqualibus con-
 ſiſtet, ſapiùs poſt duas, vulgò poſt tres, erumpit ſalivæ fluxus
 uberilimus qui per dies 20 aut 25 perſeverat, non ultia pori-

tandus. Ergò in hîc hypotheſi ſex tantum drachmæ mercurii
 intromittuntur. Si autem per dies quadraginta inungatur æger
 cum drachmâ unâ & ſemis unguenti quod tertiam partem
 tantum mercurii contineat, accipiet viginti drachmas.

De morbis
venereis, lib.
4. cap. VII.

I V.

U T parciori cedit hydrargyroſi ſyphilis levior, ſic quæ graviore ſtipatur ſympto-
 matis huic obſurdeſcit. Exoſtoſes, anchyloſes, ſcrophulæ, lepra quandoque luæ
 veneræ ſoboles, ut ſas eſt conjicere, ulcera quæ ſaucium partes abſumpſerunt, quæ
 palati, naſi, ſterni, aut artuum oſſa depaſta ſunt, efficaciore poſtulant remedia. Hæc
 ſupeditat ſuſſitio; à Medicis prioribus ſyphiliticis coetaneis tentata æqualem fortu-
 nam ac unctiones ſortita eſt. Hæc parciori manu Medicorum conſilio, largiori ab em-
 pyricis adminiſtrata per multos annos malè audierunt. (a) Suffimenta ex cinnabari
 veneno arſenicali, aut ſublimate corroſivi infecta, in manifeſtum capitis periculum
 ægros adducebant; nil mirum ſi ab omnibus ſerè Medicis reprobata ſunt. A toxicis
 repurgata cinnabaris cum gummi & reſinis ſociata eſt. Ineptum connubium! Capiti,
 pulmonibus importuno ſumo noxium, ægris intolerabile. Infortunii cauſam intel-
 lexerunt ſapientiores Medici; ſolam cinnabarim uſurparunt. Reddit honos remedio,
 ipſuſque multum increbuit celebritas, ex quo poſt multa experimenta in Noſocomiis
 facta ipſius ſalubritatem F A C U L T A S declaravit. Tum noſtri ordinis Medici,
 verbis ac ſcriptis, ſuſſituum laudes prædicare, energiam experiri. Ego quidem auſim
 affirmare ſuprà ducentos utriuſque ſexûs, pueros, juvenes, ſenes, mulieres utero ge-
 rentes, nutrices intrā annos undecim à me curatos fuiſſe & ſanatos. Quos inter exoſ-
 toſi, anchyloſi, oſſium carie, ſtrumis, leprâ, paralyſi quidam laborabant. Ex his
 plures non ſemel incaſſum unctiones experti fuerant. Diſparis eventûs rationem inve-
 nies in diſcrimine molecularum mercurii per frictum, aut per ſuſſitum inducti. Per
 frictum partes mercuriales craſſæ impinguatæ, vix ad motum habiles, ſanguinis lym-
 phæque globulos impellere quidem, at minùs penetrare, dividere, & exiliſſimos tu-
 bulos permeare queunt. Animo autem attende quàm exiles ſint, quàm expeditæ,
 quàm mobiles aëriæ illæ particulæ quæ ſuſſitionis ope per nares hauriuntur. Quàm
 citò per totum corpus diſfundantur. Cerebrum per nervos oſſæctorios (cavitate enim
 donantur) (b) irrorant, pulmoneſque ſubeunt, in ventriculo recipiuntur, miſcentur
 alimentis, ſic per omnes corporis partes citò diſfuſæ, non priùs in auras abeunt, quàm

(a) De morbis
venereis, lib.
2. cap. IX.

(b) Vide, Quæſ-
tionem medie
cam an d. uſe
verit. cauſâ
mercurii co-
rebrum & du-
ra. Menynx
propaginata
die Jovis 28
Februarii, ann.
1737. N. 1. 125.
Chevalier quæ-
ſtæ.

viscerum omnium anfractus; membranarum exilem contextum, cæcæ ligamentorum; cartilaginum, osium semitas mille circuitibus peragraverint. Quodnam remedium tam præfens tanta valet edere miracula? Cinnabaris artificialis, (*) vel potius athiops mineralis, ex librâ unâ hydrargyri, & florum sulphuris uncias quatuor triturâ confectus. (**) Si major sulphuris quantitas adhibeatur, pulvis statim majori flammâ absumentur; si paucior, non accenditur. Hujusce pulveris drachma una paucis carbonibus supponatur; exhalantem sub flammulâ formâ mercurium tentorio fatis amplo inuolutus æger, obturatis ore & oculis, naribus excipiat. Antè sex vel septem minuta sudor erumpet copiosus ex uniuerso corpore, tum in lectum reponatur per aliquot horas sudaturus. (***) Vix quemquàm è centenis reperias huic sustinendo remediò imparem; imò per ipsum curationis tempus omnes pinguescunt. Si quis tamen hunc brevem admodum laborem perferre nequeat, faciliorem methodum offert unus è nostris. (c) » Si quis æger, inquit. carbonum vaporem ægrè ferat, intereadem lectum petat, injiciatur cinnabaris in ferrum candens in cubiculo clauso ubi ille somnum capiet. « An modus iste sanandis ægris sine sudore sufficiat, penès Authorem sic fides. Priorem qui tentaverit, felicem eventum sibi polliceatur.

(*) Vide Quæstionem propositam die Mercurii 24 mensis Nov. anno 1745.
M. Lud. Remy, Martens, D.
M. P. ad inveniendū suffragia rite adhibita, remedium præferre!

(*) Athiops mineralis minis caput fecit. minisque salivam movet quam cinnabaris artificialis.

(**) Ad conficiendum hunc pulverem horæ ad minimum decem & octo requiruntur; triqua diat in mortario vitreo, cum

pistillo vitreo.

(***) Ager sub lecti ingressu potius quam matutinis horis suffumum excipiat, idem dicendum de frictionibus.

V.

NON te deterreant ab adhibendis sufficientis præcorum Medicorum, qui ea reformidabant, multitudo. Non ea proponimus quæ reprobabant. Diverſa est materies, diversus adhibendi modus; imò animos addat plurimorum ex iis testimonium. Fatentur post incassum usurpatam hydrargyrosim, nonnullos perfectè per suffumum sanatos fuisse; docentque, cum cætera non profuerunt, ad illum confugiendum esse. Si ergo tam noxiæ ex naturâ suâ remediî ope illud effectum est quod unctionibus fieri non potuit, quid ex eodem remedio, venenis, aliisque rebus noxiis purgato perandum putas? Quid plura? Experientia in rebus medicis magistra docuit quod suademus, eadem suadet ratiocinatio. Nec te moveant quidam ex neotericis qui præstantissimam hanc medicinam insufficientem, imò noxiâ clamitant. Suffumum ab hac injuriâ egregiè vindicavit Thesis suprâ laudata. Crimen verò insufficientiæ & periculi, in hydrargyrosim cum salivæ fluxu conjunctam merito refundendam, probat invictissimè.

Ergo per suffumum felicior & tutior, quàm per inunctionem mercurialem, morbi venerici curatio.

DOMINI DOCTORES DISPUTATURI.

M. Jacobus Verdelhan des Moles,
Scholarum Professor.

M. Claudius Person,

M. Carolus Ludovicus Liger.

M. Joannes Stephanus Guetard, Regiarum Specienarium Parisiensis & Florentina Aca-
demiarum Socius, Censor Re-
Regius & Serenissimi Auro-
lianensium Ducis Botanici.

M. Andreas Cantwel, Regiæ
Societatis Londinensis Socius.

M. Benjamin Ludovicus Lucat
de Laureberris.

M. Ludovicus-Renatus Desbois,

M. Natalis Maria de Gevignand, rei Herbaria Professor
designatus.

M. Joannes Hermès, Antiquior
Scholæ Magister & Medicus
Regis ordinarius.

Proponebat Parisiis LUDOVICUS-PETRUS-FELIX-RENATUS,
LE THIEULLIER, Parisinus, saluberrimæ Facultatis Medicinæ,
Parisienſis Baccalaureus, A. R. S. H. 1752, A. SEXTA AD MERIDIEM.

Typis GUILLAV, Universitatis & Facultatis Medicinæ Typographi, 1752.